

Алексей Мишарин

# Картопель идралём

Висът





**В**оис картофель идралан кад. Батьö да мамö куим лун нин керисны. Шойччан лунö шуисны петны став семьяөн. Батьö, выль-лунö көсйö мунны Войвылö: мунтöдз пö колö помавны да став чукöртöмсö меститны. Мамö ми-янлы рытсъяныс шуис:

— Васьö да Толик, талун водз-джык водöй, аски водз чуксала.

Ме татшöм уджсö вöчлывлі нин, а Толик первойысь на петö. Водігөн сійöс велöді, мися, видзöд да ме ног ставсö вöч. А то сись либö бытшкöмыс веськалас бур пытшкас, сэки сисьмыны карту-пельыс кутас.

Асывнас чеччим мамөяскөд  
өтвылысь. Сөйыштим да лёкджык  
паськөм пасьталім. Петім град  
йөрө. Батьө босьтөма картофель  
керан вила. Миянлы мамөй сетіс  
ведраяс, шуис:

— Васьө кутас гырысьсө өк-  
тыны, Толик — поснисө.

Толик заводитліс пыксьыны:  
ме пө ог радейт поснисө, көсья  
пө гырысьсө. Но сэки меным лои  
суитчыны.

— Толик, тэ ачыд тані медся  
ичөт, сідзкө, ичөтъясыс и вичмас-  
ны тэныд. Кор ме вөлі ичөт, сэки  
поснисө өктылі.

— Ылөдлан!



— Эн вензьöй, — öлöдiс ми-  
янöс бaтьöй. — Вежласьны ку-  
танныд.

Та бöрын Толик лөнис да за-  
водитiс öктысьны. Первойсö сийö  
сорласис. Ме сюся кыйкнитывли  
сылөн ведрaö да казьявли кö со-  
ралöмсö, пыр жö горöдлi:

- Толик, бара лёка öктöмыд!

Толик та пöрйö чушкыльтчы-  
лас вöли: ме, сiдзкö, ог öктысь. Но  
сулыштас да бара копыртчас. Ми  
мамököд зiля öктысим. Чукөр-  
тöмсö кисьталiм эжа вылö кось-  
тыны. Пажынöдз картофельыс сюр-  
ласис уна да гырысь. Ыджыд вед-  
раясыс öдйö тырласисны. А пос-  
ниыс Толиклөн чукөрмис этша.







Сылысь өктөмсө мамөй кись-  
таліс мешөкө: Сюрुकлы пө туяс.  
Толик видзөдліс аслас чукөр  
вылө, сэсся миянлысь өктөмсө да  
ыждавны кутіс:

- Менам этша, ме тадзтө ог  
сэсся өктысь. Ті китруйтанныд,  
став гырысьсө босьталаннныд.

— Эн ыждав, — шуис мамөй.  
— Пажын бөрын вежсяннныд  
Васьөкөд.

Пажын бөрын ме заводиті  
өктыны поснияссө. Толик чик-  
тивны мөдіс. Сюрө ыджыдыс да  
юр вылөдзыс лэптылас:

- Видзөд, Васьө, мый ыжда  
сюри!

А менам пажын бöрын коскöй  
мудзöма. Копрасигас доймö нин.  
Пыр тшöкыдджыка видзöдлывла  
град помас. Весиг радлыштi, кор  
этшамис картупельыс да позтырыс  
дзольмис. Водзтi кö öти позсьыс  
сюрö вöли дас картупельöдз, öни  
сöмын куим-ö-нель. Öдйö кутiс  
керöмыслөн ыдждаыс содны.

— Öдйö мöдiм мунны! —  
нимкодя горöдi ме. — Регыд эш-  
тас градйыс.

— Аддзöма мый вылö радлы-  
ны, — пыр жö öлöдiс мамöй.

— Асьныд öд ас кежаныд ним-  
кодсянныд жö, — воча шуи ма-  
мöлы. — Окота жö, мед öдйöджык  
эштас.





— Нельёд классын велёдчан, а вежорыд кычилөн мында на, — суйсис сёрниö батьö.

— Колökö, мукöддырйи кычи мындаыс на абу, — содтис мамöй.

Меным татшöм öткодялöмыд чушис. Кычи мында кө, мися мыйла картофельсö öктыны тшöктанныд. Бускоыс жö со чомйын, оз öктысь. Сöмын увтчö да бöжсö легöдö.

Татчö нин эз сöмын батьö, но и мамöй серöктис. А на вылö видзöдöмөн и Толик гигзыны мöдис да мелань чуньнас индис: со пö кычиыс.

Та бöрын ме чушкыльтчи. Толиклы кабырöс петкöдлi. Ме некыз эг вермы гөгөрвоны, мыйла

оз позь радлыштны, картопель керöмыс кö водзджык эштас. Эштöм бöрас нин батьö менсьым картузöс син выlö лэдзыштис да шуис:

— Эн дузъяв, водзджык кö эштис градйис, сідзкö, этшаджык картопельыс чукöрмис. Тöвнас этшаджык Сюрукыдлы вичмас. Сідзкö, мöс вöра йöлыс этшаджык лоö. Коді та выlö вермас радлыны?


— А-а... — сöмын артмис менам.

Ме вöлись тайöс öні тырвыйö гөгөрвои. Весиг кычикöд öткодялöм выlö эг сэсся ыждав.





Лэдзö  
«Би кинь»  
журнал



Серпасалис  
Елена КОЮШЕВА